

甌

甄

洞

藁

甌甌洞藁卷之二十八

武昌吳國倫著

始安張鳴鳳校  
新安方尚質校

七言律詩八十六首

飲鄭汝志宅

清溪九曲樹千章  
門外飛泉掛石梁  
地以畫遊稱錦里  
客從星聚擬高陽  
故家樽俎風仍朴  
新第衣冠澤未央  
諸從逡巡守經術  
異時何忝鄭公鄉

飲楊範之陽新別業

林間數畝綠雲居  
谿上羣山畫不如  
水遶煙沙迷進艇  
巖留石匣待藏書  
買魚沽酒陽新市  
弔古登高孟

氏廬爲憶舊遊多白髮重來風景莫教虛

過徐懋誠公子宅

甲第崢嶸萬木中溪流宛轉石門通登堂綺席開華  
月擁障笙歌度遠風下榻敢當徐孺子懸車曾是大  
司空主恩優錄名賢後蚤挾忠猷答漢宮

園中觀編籬

旋結重籬護晚花蕭疎不讓野人家臨池細寫琅玕  
曲映石渾侵翡翠斜散步林亭分落照回看欄楯隔  
飛霞披書日在藤蘿裏歲晏天寒也物華

觀童子車水入灌園池

小鑿山塘學種魚，分流何自越村墟。  
車聲入竹風偏助，水道穿田雪不如。  
曲引似沿金谷澗，懸奔新滿玉梁渠。  
澆花洗藥從吾意，肯放林間歲月虛。

詠水車

童子翻車代桔槔，車聲滑滑水聲號。  
轆轤穩擅分江力，灌溉都無鑿隧勞。  
正訝老龍將急雨，坐看平陸湧飛濤。  
馬鈞機巧非吾羨，蔬圃論功亦自高。  
馬鈞始造水車魏書稱其巧宜絕世然水車利農至于今不廢也

冬日同莊則勸則大瞿伯明登壺嶺觀童子捕魚小滄浪因以所得生魚畜之園池暢然有

作

壺嶺峯頭野望寬  
滄浪日落水花殘  
誰操鸚鵡爲漁艇  
遂有珊瑚拂釣竿  
銀鬣駭從疎藻出  
錦鱗鮮觸暝煙寒  
放生池裏悠然逝  
自可盤蔬共客餐

徐徵君八十

龍山十月氣氤氲  
石室偏藏五色雲  
豈必關門逢老子  
自堪松菊護徵君  
高年未解耽詩癖  
醉筆仍題頌酒文  
試問滋泉垂釣者  
後車何意策功勲

曾子玉尚書七十

尚書自秦藩乞歸  
以子工部尚書受封適當

七十壽辰遙有此祝

一壑懸車自素風天書遙錫大司空和歌郢國陽春  
遍回首函關紫氣通賓從趨蹌冠蓋里雲霞密邇  
帝王宮林間歲月偏難老坐覩兒曹翊漢功

夜自黃砂村出烏厓抵西禪寺

苦竹嶺頭黃霧偏烏厓峽口石撐天虛巖仄徑千盤  
出大壑飛流百尺懸羸馬長鳴知出險老龍潛伏解  
安禪上方燈火明星漢好借山堂一定眠

雪中對菊

入冬籬菊已開珊幾樹幽芳巧耐寒儘怪參差霜後

發却留偃寒雪中看六花著處偏含態斗酒呼來且  
盡歡醉裏莫愁花易盡蚤梅新柳動江干

與良孺飲北園

臘盡郊園臥正寒美人相過一留歡池添新水浮煙  
島樹擁斜陽過石欄移席屢驚初地變放歌真遣百  
愁寬蚤梅如雪催詩發疑對揚州水部看

沈太史君典枉書見訊兼示登臨諸詩卻寄二  
首

天子臨軒策治安卿雲偏著彩毫端上方篋笥傳宮  
錦西第旌旗引玉鞍衣鉞千秋嚴漢史經綸一代擬

周官諡書萬里心相結恨少平原十日歡

其二

獨往深山拾紫芝姓名誰遣近臣知  
從前誤學屠龍技夢裏猶慚覆鹿時  
結社豈無霄漢侶寄情偏向薜蘿私  
句中山水江南遍且得開田慰所思

伯融宗侯父子竝受 襲書索詩紀事

手詔敦親下木天定知恩澤向誰先  
儒林漢室優中壘禮物周書屬象賢  
邸第朱樓雲錦合御題銀榜日華偏  
名家世值中興主肯使東平頌獨傳

朱山人起巖見訪



桂櫂東遊幾日程郊園握手布衣情攜壺且作千花  
主策杖寧寒五柳盟樹杪懸泉奔絕澗簷端新雨散  
孤城憑君入夜酣歌發樓鳥潛魚總不驚

與尤白

白予故人頗李征甥也

短棹初停復遠移大江風雨欲何之談諧稍變吳人  
語落魄猶傳舅氏詩彈鋏幾年更舊館擔簦千里覓  
新知澧蘭沅芷君能采白首東歸也未遲

徐文學過訪北園

故人垂白遠相求水上煙扉萬竹幽少別總如前日  
事劇談那惜片時留泉聲激雨驕林麓花氣成雲擁

石樓山意物華狼藉甚與君聊作一樽收

懷志宗侯建白雲樓與諸王孫結社稱詩有作  
見懷率爾賦贈

邸第朱樓瞰渚宮白雲黃鶴漫相雄直看九水行天  
上倒揖千山入鏡中飛蓋追隨公子夜憑軒披拂大  
王風由來招隱無喧寂虛羨淮南桂樹叢

奉答 樊山王

老病龍鍾臥北園思君何日奉清言真風好與神仙  
近雅道誰如帝子尊石上彩雲流錦席松間白鶴引  
華軒平臺授簡多賓從不必狂生更在門

陳大叅玉叔以雙鶴見遺志感

白鳥一雙天上來美人千里意徘徊  
路經崑閬風雲變影息林亭燕雀猜  
回盼似能思舊主刷翎終擬駕  
仙才雌雄唱和蹁躑舞對爾何時可放杯

席間贈王子振茂才

江夏黃童楚令名寂寥千載又王生  
論文擬結忘年契載酒偏深問字情  
入手羣星披短劒揚眉萬里奮  
長纓君家素業儒林重玉樹庭階故故清

雨登西山

縹緲西山踏紫霄石梯斜引萬松橋  
春衣過雨從沾

濕古殿樓雲自寂寥一線江流經楚甸幾家楊柳識  
前朝峯前二客攜壺至日暮登臨興轉驕

其二

莫怪登山興未窮古今靈勝此山中相看惠遠翻經  
處卽是吳王辟暑宮江樹不知人代遠野雲都向法  
門空徘徊且醉樽前雨明日扁舟一水東

飲龍蟠磯

片石江心亦自雄繫舟清切坐龍宮層樓一柱飄飄  
迴巨浪三門噴薄同城郭蕭條開積雨帆檣壓亂鼓  
長風攜壺暮向磯頭醉瞬息浮雲萬里空

登西塞山

江上重登西塞山千盤曲徑九磯環  
洄波響震魚龍宅絕壁雄分虎豹關  
百里風帆蒼磧外幾家村市白雲間  
可憐三足紛爭地漢水東流總不還

飲李叔元叅知湖心亭

湖上危亭敞薜蘿隔江山擁白雲多  
軒空面面閒居景日永時時榜子歌  
達郭千家沈綠樹平田一水冒青荷  
與君幽興差相敵百里無妨數見過

陳孔震中丞以平蠻功

詔進少司馬鎮楚如

故賦贈二詩

北極祥雲拂曙開荆南萬里捷書來羽干風動三苗  
格手 詔雲銜五鳳裁將相古今焚鼎業安危朝野  
股肱才王師六月無征戰坐擁饒歌傍郢臺

其二

仗鉞平蠻自壯猷幕中文武願封侯千旗日月低黃  
鶴萬馬風雷擁絳驍衡嶽此時還重鎮楚江何地不  
安流俄聞有 詔登樞府父老偏能臥轍留

奉答司馬陳公見懷

橫槩題詩過楚宮 帝鄉千里動雄風虛傳郢客歌  
難和只怪湘靈曲易終雲錦忽飛江漢表星光遙燦

薜蘿中巖居寂寞逢知己欲報瑤篇媿未工

園居喜邵子俊再過

念汝新從宛洛歸不辭炎暑叩林扉遠遊未必輕投  
刺高臥猶存舊釣磯載酒山風除小逕繫船江月上  
初衣請看抱甕先賢後千載何人更息機

與羅敬叔夜坐小滄浪堤上談詩

芙蓉池上暮雲平楊柳堤邊月未生密坐已於塵境  
絕細談應見古人情且看詞賦悲秋盡不枉風波入  
楚行海內只今紛大雅病夫甘自損時名

北園餞別敬叔之武昌

千里江山一葉舟無家偏得縱清遊  
聞歌忽入滄浪浦訪古還過鸚鵡洲  
榻下涼雲生別館酒酣明月上高丘  
何時好踐重來約石竹巖花也解留

寄丁元甫

怪爾昂藏厭俗深抱書長日閉雲林  
千金鑄劍終神物五月被裘自古心  
奉母艱難餽粥計逢人寂寞鳳鸞音  
向來攜手論文後何客能憐澤畔吟

秋日自山莊過訪汝脩遇於田間觀穫作

落日村村穫稻還獨憐楓葉亂秋山  
巾車偶過蓬蒿逕岸幘偏逢畎畝間  
少婦煮茶供笑語鄰翁拾穗省



卷之三  
愁顏雞豚卒歲官租薄萬事知君了不關

送武昌劉使君入覲

分符鄂渚擅高名白壁真連十五城萬戶桑麻看漸  
長百年江漢此重清旌車犯雪馳天路劒佩乘春謁  
帝京故事龔黃俱召拜使君何忝漢公卿

楊伯海自白下見訪

皓首龐眉竹籜冠楚遊迢遞發長干相憐谷口人無  
恙不比山陰興易闌秋水遶亭雲石霽芙蓉侵逕草  
聲寒百年此會乾坤少莫怪詩成白壁看

富口舟中餞送鄒彥吉使君北上應朝二首

千山葉下洞庭波送遠其如秋思何江口白雲驚笑  
語帆前落日起悲歌詞才不藉南遊壯王氣真從北  
望多羣牧會朝仙樂舉朱弦應待使君和

其二

十月霜高楚水寒芙蓉猶共美人看江煙黯澹難爲  
別斗酒須臾且盡歡謁帝遠瞻承露掌贈行新製  
切雲冠中朝故舊如相問白髮三湘一釣竿

得袁履善書有感卻寄

尺書迢遞發雲間問訊相悲憔悴顏得放總便麋鹿  
性離居偏共水雲閒豈應屈宋能諧世不必巢由更

買山東望欲馳千里駕寒煙漠漠阻江關

遣使赴長興酹子與墓憐然哀之再賦一律

炙雞絮酒暮何之悵望孤墳若水湄  
一日乾坤成異代三江雲樹只離思  
重泉始罷憂生淚過客虛傳絕命辭  
信使到門君不見斷鴻殘雪總深悲

除日遲仲美不至聞爲襄陽故人所留寄題惱之

臘盡江寒一鴈流遠天風雪滯歸舟  
酒酣解道襄陽樂興發將從剡水遊  
妻子傍人懸凍餒山川隨處足淹留  
郊園寂寞誰同社梅柳占春也自愁

元夕陸別駕攜具柯山園見招同王行甫賦  
客途無賈買春宵高宴名山喜見招坐覩平林增火  
樹歌臨曲水當星橋華燈不厭園公老勝賞應從地  
主驕欲挾飛僊何處可只乘明月聽吹簫

贈陸別駕

弱冠登名屬大方強年猶復滯江鄉謫居未損郎官  
秩病臥曾辭吏部章前席鬼神招賈誼中朝出處類  
馮唐逢予故是行吟客滿目風濤且巨觴

廖珍之劉中卿王寅之王子致攜壺過飲舟中

同行甫賦

只怪西風滯客舟徘徊卻爲美人留  
推蓬赤壁雲間吐入坐樊山浪裏浮  
載酒新春成野趣論文永日散羈愁  
衰年萬事捐都盡獨有名山興未休

江上逢顧子承先生先生嘗與予有西遊之約  
歲復不果茲逢蓋不期也喜而成詩

歲歲遠遊期不定煙波江上卻逢君  
坐臨南浦三湘合直視東流九派分  
樹杪帆檣紛自集沙邊鷗鷺各爲羣  
欲乘黃鶴雙雙去且買松醪醉白雲

初度日王行甫攜酒過舟中對酌

浮生六十敢言強客裏逢君卽故鄉  
韶景逝如江漢

水野雲輕襲芰荷。裳沾來白酒，聊爲壽坐擁青山足。  
侑觴醉後，莫言京國事，久拚衰笠老滄浪。

次郢上曾大司空以三攜具見訪舟中話舊

幾載傳書問別顏。夢中無路覓燕關。那知江漢乘桴  
過，恰遇雲霄解組還。宦蹟三朝俱白首，君恩一日重  
青山。醉來身世風濤外，始信冥鴻不可攀。

大司空招飲漢上園

爲園故近莫愁村。漢水滌洄抱石門。脩竹茅堂穿雪  
磴，短松沙檻護雲根。懸車新結幽人社，高枕仍銜  
聖主恩。歌舞未停纖月上，何辭爛熳倒芳樽。

未至襄陽百里外阻風四日卽事同行甫賦

累日北風何大顛孤舟旅泊無村煙飄飄微霰不成  
雪莽莽飛沙渾蔽天縱鵲灘頭水盡立呼鷹臺畔雲  
空懸隔江誰問宣城酒兀兀抱書篷底眠

阻風答楊使君見訊

飄風獵獵殊未休漢江幾日無行舟可憐一夜白頭  
浪坐失三春芳杜洲西道主人意不淺下邑使者行  
相求峴山咫尺望逾遠那能遽踏銅鞮遊

旅泊遇雪

花朝已過猶風雪朔氣翻從南郡多兩岸荒煙迎凍

合孤舟旅夜奈愁何推蓬黯黯迷芳樹伏枕搖搖警  
白波行路艱難春事緩鄰船<sub>四</sub>鼓激勞歌

雪後舟行望鹿門山

鹿門何處渺川途白石蒼煙入望孤雪霽千山行盡  
舫天空一鳥下平蕪襄州遠落三秦水漢上橫分五  
嶽圖怪是龐公棲隱地不殊溟海見蓬壺

紫霄宮二首

磴道嶽岑礧道除松杉繚繞步清虛玄關迴逼中天  
象紫府重扃上帝居境自煙霄開福地泉分日月瀉  
金渠仙童坐進龍根脯靜夜山堂手道書



其二

雲屏萬仞欲遮天五老諸峯插御前紫氣氤氲三殿  
合朱旗縹緲百靈懸經行閣道都霞外入望巖柯半  
斗邊列室簫鳴驚鶴舉無疑此地有飛僊

遇真宮逢張子蓋太史

子蓋字故人張提學復亨子也

春山積翠擁玄都雪後金光歛有無絳節雲渠天使  
至青藜石逕野人扶相將跨鶴凌瑤島且復停驂醉  
玉壺明日峯頭看萬境應從匹練指三吳

淨樂宮作

玄師合是軒轅喬楚地仍遺淨樂宮萬井經營山郡

五城樓閣帝鄉同棲真宵謁青林曲望嶽嶙峋紫  
氣中勝地相傳靈異集山來大道只虛空

上下武當道中詠所見五異五首

萬樹輪囷擁道周蒼鱗剝盡赤脂流枯根坼地龍蛇  
奮突頂摩空魍魎愁倚澗忽崩三峽石遶宮應護五  
城樓秦松漢柏虛爭長擬竝扶桑蔭十洲

右老樹

嶺路崔嵬萬石攢攀緣辛苦亦奇觀羣驅象馬雲心  
躍倒曳虬龍樹底蟠赤甲磷磷參貝闕蒼稜齒齒夾  
瓊欄頭顱似解生公法莫作防風朽骨看

右怪石

望望青天掛玉龍，忽驚風雨暗芙蓉。  
懸泉縹緲明河落，急峽奔騰巨浪衝。  
終古雷聲喧大壑，四時雪色灑高松。  
廬山瀑布曾涓滴，何似仙源處所逢。

右瀑布

虛巖萬仞臨無地，複閣千家入紫煙。  
直宇飄飄雲棧外，於幃隱隱帝關前。  
笙歌曉奏凌三島，環佩宵鳴過列仙。  
卻恐乘風自飛去，便應雞犬亦升天。

右懸樓

斷崖垂絕引飛梯，咫尺天門路忽迷。  
空際玉階盤杳杳，

渺雪中金鎖助攀躋側身疑在連雲棧  
息踵愁臨萬仞谿御喜晚年能濟勝  
好尋仙侶卜巖棲

在飛梯

登仲宣樓

樓在襄陽城東上祭侯劉表卽此地非荆州也

荆襄形勝古雄都漢水方城天下無  
四望春陰平楚合萬家煙樹此樓孤  
可憐賦客依劉日虛擬宗臣翊漢圖  
猿鳥似知懷古意夕陽殘壘劇哀呼

周象賢少史宅同諸君夜集

素筆朝回帝子宮邀賓亦復醴筵同  
異鄉王粲愁如失華髮高唐賦轉工  
虛牖江城開霽雪小亭花石

豔春風天河漸落南山外何事銅鞮曲未終

爲少史周紹稷題牡丹圖奉祝襄王殿下

曲曲朱欄八寶妝枝枝穠豔百花王誰言蕙圃非懸圃已見襄陽勝洛陽風葉解留青帝燈露葉紛浸紫霞觴羣臣競獻千秋頌歲歲衣沾天上香

次宜城題贈王孝廉吉甫

吉甫名兆故少司馬弟也少出繼其仲父業已終喪而又喪所生父母凡不赴鄉舉者一不赴南宮試者再蓋可謂敦至性而後榮名矣國人賢之倭諸頌詠方山人故善吉甫因

手其卷視予予歛衽而嗟曰晚近世有位宰  
輔而不奔親喪者何乃一孝廉而又爲人後  
者乎吉甫真孝廉哉遂以孝廉名卷而贈之  
詩云

峴山朝發暮宜城握手煙江感慨生家卜漢時冠蓋  
里人傳楚國孝廉名三徵未就公車對九飯設也難

仲孺子情

有母喪而孺子泣者出檀弓

試檢襄陽耆舊傳丁蘭千

古竝芳聲

仲美送予至郢復還襄陽踐侯使君之約舟中

酌別一首

竟陵城南花蒲堤白雪樓頭芳草齊  
逆旅看春歲冉冉中流別我江淒淒  
論文何客辨蘭蕙行路此時偏  
羨藜但可重千習池主與之一醉歌銅鞮

川上樓新成登眺二首

古臺官閣迴岩巖  
浪湧天低水郭遙  
故國儘容舒覽眺  
此身兼已屬漁樵  
日高雲氣千山淨  
風起煙光萬井飄  
空外杳然聞玉笛  
僊人黃鶴坐堪招

其二

楚天垂盡水雲寬  
百疊峯陰鏡裏蟠  
遶郭千檣沙岸曲  
當軒萬樹野煙寒  
春深燕雀巢新棟  
日暮魚龍犯

急湍不忝白頭湖上主風塵那得近漁竿

送余幕還會稽

逡巡手板十年餘故里蕭然未卜居入幕長官優禮  
數散衙羣吏質刑書卽看佐郡形容苦誰道登朝玉  
石虛歸問永和修禊處蘭亭風日近何如

贈任白甫文學

年少聲名起澤宮大廷長策治安同無煩叅管回燕  
律已見陽春播楚風待詔新從雙闕下問奇遙入萬  
山中星前把贈蒼龍劒古色看君氣更雄

送熊汝端北上補廕其祖中丞公予同年也



三世通家汝最賢故居蕭瑟但遺編  
盛朝恩禮衣冠後盟府勲勞竹帛先  
白璧幾年留獻楚黃金千里重趨燕  
懸知詔對公車日五色雲開帝座前

輓樹德宗侯

憶予漂泊過南州岐路還容縞紵投  
白眼論文多後進青霞結侶自君侯  
月明高館芙蓉夕露下深山桂樹秋  
縱是丹成冲舉云空衣不解故人愁

夏日卽事簡張使君叔兒

萬戶歡迎五馬回陽春故自郢中來  
均調緩急烹鮮手經緯分明製錦才  
道路已多黃髮頌園扉無復赭

永哀野田甘雨時沾足且叩山堂一舉杯

張爲春戶曹謫丞下雉賦此慰之

平津開閣延賢日 天子臨軒策士年  
見道玉珂趨侍從還如金馬隱神僊  
蛾眉不與煙花媚紈扇相將篋笥捐  
澤畔總無憔悴色向來清夢日邊懸

病起偶過北園

病經旬口未窺園新長藤蘿罨洞門  
爲信此生元木石不知身外有乾坤  
攬衣曲逕紛成趣高枕濃陰且避喧  
大藥古來多自誤何如花底日開樽

同莊則勸俞敦甫暨無忌無傷二兒泛舟遊笠

山洞湖上卽事

風起平湖度野航  
荷衣五月迴生涼  
青峯天畔羣龍起  
白浪煙中萬鶴翔  
鳥道欹懸雲石亂  
鷗汀曲泛水花香  
一區靈勝容吾老  
豈必神仙去故鄉

伏日晝睡

一榻條然掩華門  
高眠長夏總君恩  
若非奉詔還初服  
那得閒居傍水村  
推枕北窓風正細  
捲簾西嶺日垂昏  
聊因習靜逃煩暑  
不必重開河朔樽

鄒黃州還郡後遣人以伏日見懷詩枉訊奉酬

一首

詔賜黃金漢闕回檐帷又向大江開城巢五鳳非奇  
事客頌三鱣自異才念我欲修逃暑會貽詩不減御  
風來火雲化作仙人掌擬乞天漿泛玉杯

再答葉山人兼訂過訪之約二首

六月酣歌倚郡樓誰從河朔見袁劉看來賦暑詞爭  
長想見臨江興竝幽落日滄波橫短笛東風赤壁繫  
扁舟豈應仲舉齋中客不作元卿竹下遊

其二

得客寧從幸舍遷知音蚤藉使君賢雲移西嶺橫詩  
案雪湧長江下酒泉屈宋風流千古盡應徐述作大

方傳新除一石長松底何日能來共醉眠

暑夜與程萬里坐談時頗憂旱

暫去重來雉水濱寂寥相顧轉情親  
衰年廢酒仍增病永日耽眠穩辟人  
何事郊居偏毒熱可知江路少清塵  
秋期已近天猶亢起視明河獨怡神

奉寄顧子良憲副子良期過訪予三年不至但

時時勉予學道因寄此詩

一水盈盈河漢遙空中鸞鶴似堪招  
循溪易返山陰棹鞭石難成海上橋  
學道豈應妨老大藏真只合混漁樵  
乾坤萬事捐都盡白日看君羽翼驕

暑中得朱方伯書答寄一首

遠道相思尺素傳，還如握手在朝年。  
世情都向歸來識，別恨翻從老去牽。  
長夜攬衣行望雨，幾時扶策叩談玄。  
知君臥在清涼境，只少南薰入五弦。

憂旱作

六月江聲走大荒，炎風獵獵野雲黃。  
初驚十日光相射，欲挽重淵力未強。  
道上逢人俱黯澹，林間散髮類佯狂。  
蒼松翠竹含枯色，何處田家足稻粱。

逃暑北園徐孝廉應時見過卽事

避暑深棲萬石間，長松密竹隱柴關。  
穿雲有客能相

過傍水移時坐不還薄暮涼飈生別苑近城疎雨過  
前山湖頭冉冉紅蕖放不必開樽已破顏

贈徐廷祥處士

處士卽應時父

憶自髫年共塾遊憐君偃蹇困林丘一經老去仍傳  
子三釜供來且破愁賓客交歡玄鬯酒風霜荏苒黑  
貂裘異時

天子徵巖穴鶴髮昂藏拜冕旒

甌甌洞藁卷之二十九

武昌吳國倫著

始安張鳴鳳校  
新安方尚質校

七言律詩七十六首

肖甫張大司馬旣平浙亂被命還京途中書

來寄答四首

金符玉節下雲霄  
幕下材官半插貂  
侯骨向來知定遠  
將星應復護嫖姚  
三軍盡募吳都士  
一怒新澄越海潮  
萬里風霆飛露布  
共看司馬又還朝

其二

白鉞如霜耀武林  
江門殺氣濔陰森  
一時理亂須天



吏萬戶悲懽見 帝心法擬塗山誅後至恩餘湯網  
祝前禽入朝封事先吳越蒲目瘡痕感慨深

其三

海上功成獻捷來 天顏一日爲君開非緣坐制東  
南勝誰識元戎將相才錫詔雲銜雙鳳下琬戈星擁  
八騶回諸艱歷盡共帷幄多少輝光切上台

其四

少年詞社久沈淪猶有軍符繫老臣總爲封疆懸廟  
略常從甲馬寄 朝紳軒車已近華陽道書札猶傳  
漢水濱自是素交情不淺白頭凝望總傷神

顧子敬茂才再訪園居因贈

江鄉只隔黃龍浦百里輕舟信往還爲許竹間開小  
徑每來湖上狎青山論文不淺風雲色避俗欣從鹿  
豕閒醉發郢歌君自賞陽春那得遍人間

元美敬美念予六十初度遣使稱觴歲暮始至  
各有贈言奉酬二首

海鴈將書雪滿空素交千里歲寒同揆余虛藉高陽  
喬予初度亦正月觀樂聊承季子風貧病百年催隙駟行藏  
五嶽寄冥鴻聞君得道棲恬漠冲舉何如白兔公

右答元美

老大無聞祇自寬故人猶作歲星看路迷風雪傳書  
遠淚盡江湖握手難白髮詞名虛碩果滄洲生事穩  
漁竿從君學道君休訝懸圃芝霞擬共餐

右答敬美

哭黎惟敬二首

一辭中秘向羅浮千仞冥鴻不可求世遠獨使三島  
臥仙成時跨五羊遊平生問酒黃金市何處修文白  
玉樓老別故人泉路杳淫淫雙淚幾時收

其二

草詔當年動紫宸白頭珪組帝恩新銜杯玩世存

高雅請老懸輿自古人禪草虛勤中使問詞華久作  
秋林珍豈應萬里遊仙夢只託尋常百鬼隣

送武昌劉簡之使君擢山東憲副

雪後旌車出武昌十城耆舊走相將可知遺澤延三  
楚不忝清風表四方東岱行雲高駐節上京佳氣鬱  
垂裳祇今穆穆天門關八翼從君萬里翔

過潯陽林使君登卿兄訪兼示諸作因贈

潯陽太守廬山主雅道偏從謫後聞臥閣錦屏開九  
疊登壇彩筆縱千軍經過野服勞相訊笑語孤舟悵  
已分一卷新詩常在手儘如持贈萬峯雲

阻風南湖口同仲美作

飄風五日暗江陲兀坐孤蓬玩綠蘼  
廬阜總迷雲氣盡江濤更助雨聲悲  
已無村市堪呼酒賴有隣船但乞炊  
前路險夷都莫問停橈是處好言詩

舟中望九華山

秋浦城頭九子山峯紋片片落江關  
斗邊金削芙蓉朶雲裏珠簾嫠女鬟  
客棹遲迴看未足仙踪縹渺悵難攀  
何當把釣清溪曲老傍煙霞醉不還

江行書所見

賈帆千片截江行破浪紛如萬馬鳴  
風候豈應吳楚

異棹歌俱趣往來輕不妨西寄浮湘夢且快東遊訪  
戴情最是舟師操絕技中流長日信縱橫

南都篇四首

周家豐鎬漢長安感蹟何如此地看一自高皇留  
九鼎至今蓬闕擁千官江山險扼輿圖壯南北京分  
王氣寬不信武侯能攬勝金陵千古說龍蟠

其二

二水重城百萬家前朝宮殿鎖煙霞鼎湖龍去山靈  
杳天塹潮生海氣賒欲賦兩都成感慨虛從六代數  
豪華烏衣第宅無常主車騎縱橫自狹斜

其三

二月煙花滿石城看花殊愜壯遊情地偏江左稱佳  
麗天爲中原啓聖明靖難功成千古見遷都策定  
九垓平今看北極開天府何異當年漢兩京

其四

開國當年赤帝符鍾山天設壯雄都埋金那得銷真  
氣鎖鐵空聞侈壯圖裘馬廣衢遊俠子管弦中夜酒  
家胡居人盡道承平樂莫遣臨關一卒呼

泊上新河李吏部于田方比部子及歐虞部楨  
伯周山人文美攜具見訪席間酬贈

短棹逡巡二水回，羈愁擬向故人開。  
烏衣巷裏攜壺出，白板橋頭結駟來。  
垂老山川仍蔽翳，感時風雨只深杯。  
詞名江左如公等，豈必重論鄴下才。

臨淮侯李惟寅攜其子汝藩載酒出郊同李子田方子及歐楨伯過集分得山字

元戎車馬駐江關，詞客招攜一解顏。  
水市輕煙浮萬井，春城微雨過三山。  
衰年故舊歡相戀，勝地風流擬共攀。  
五嶽便應從此逝，尋仙飛跨白雲還。

真州逢故人程汝正邀過王氏園同蕭宗魯王行甫方仲美宴集



看竹王猷處處家入門修徑石闌斜真州野色登樓  
盡揚子江聲到席賒連畛綠雲平二麥遶山晴日麗  
千花故人卮酒能歡客明月清歌興未涯

登金山寺二首

春波浮玉起帆前興發披衣到絕巔江合萬流奔赴  
海山蟠一柱上撐天靈宮俯瞰蛟龍臥石閣危憑象  
馬懸騁望不知鄉國遠鏡中吳楚接風煙

其二

峭壁當江截海潮芙蓉千葉鎖僧寮峯巒飛動疑三  
島殿閣崢嶸自六朝仙梵杳從空翠落亂帆紛掛野

雲飄攜壺自汲中冷水一軟居然萬慮消

夜泊閶門聞故人沈道初亦以遊虎丘至方圖  
一晤而沈又它適悵然有懷

薊門攜手十年過江海其如別思何垂老異鄉驚邂逅  
向來人世有風波移舟擬傍吳門醉隔水應聞楚  
客歌咫尺見君猶是夢蘇臺月色不勝多

弇山園宴集同元美兄弟暨曹子念王行甫方  
仲美賦時三月三日分得雲字

壯年攜手帝京分六子蕭條天下聞老死未忘千  
里約到來真破萬重雲相憐酒態還如昔不必詞名

更似君高會正逢修禊日醉看花鳥亦殷勤

又得山字

三江垂盡出弁山忽有層樓海氣間吳地總因雙玉  
重都門舊羨兩疏還安車屢下仍高枕大藥新成卽  
掩關卻爲故人重載酒坐憑雲石弄潺湲

敬美邀過澹圃同元美行甫仲美子念賦分得  
看字

幾日登臨興未闌開筵東圃更留歡巷幽誰擬烏衣  
過溪靜眞如罨畫看竹裏琴書清玉案雲邊花石綴  
雕欄百年此會殊珍重不醉那能強自寬

同元美敬美訪王天馭宗伯家馭督學時俱在

告園居席間賦二首

古木高齋白接離客來扶杖出谿湄兩家兄弟都龍  
鳳一代風猷自鼎彝永日淹留玄語合長天睥睨素  
心知竹間共飽雕胡飯寧比虛船訪戴逵

其二

抗疏連翩下漢廷石渠伊洛罷談經崑山白壁元真  
氣里第清言竝德星種樹久銓方外秘佩蘭時坐水  
心亭過從偶許疎狂客肯爲安車漫啓扃

次太倉欲往嘉定訪徐大宗伯明叔不果悵然

寄懷

婁江東下海雲高咫尺玄樓望獨勞  
去棹偶然隨興盡攜琴兼欲避人操  
懸輿不忝三公第走筆能驅萬里濤  
白首新詩聊寄問還如二仲訪蓬蒿

吳門逢章元禮明府有贈

元禮江表名人初仕爲蒲圻令蒲予鄰邑也  
故得習知其多善政好古文辭心竊慕之未  
數月猝聞父凶棄官從間道徒跣歸毀瘠踰  
禮業已居草土三年猶銜餘哀不忍遽出謁  
選予見而傷之因有是贈且爲之勸駕云

年少詞名薄上都豈應山邑滯飛鳧一時家難身如  
棄三載廬居血欲枯遺愛只今猶鄂渚立談何意偶  
姑蘇知君故是神明宰許國那能負壯圖

傅曾二明府招遊石湖上方寺同文子悱張幼  
于王行甫方仲美賦得雲字

上方臺殿入層雲極目三吳一水分斜日紺園飄塔  
影澹煙蒼浦落峯紋詞人接席歡相狎茂宰登高賦  
不羣千頃太湖杯面出榜歌漁笛自紛紛

偕行甫仲美訪王百穀留飲半偈齋得膠字

茂苑春花擁敝袍追隨二仲訪蓬蒿齋題半偈生如

幻榻遶羣書臥正高旋起呼兒開石鼎細談留客醉  
松醪江東遊冶紛相媚乍可幽蘭向汝操

自婁水還次閶門適道初艤舟見待喜而成詩  
咫尺津途去忽迷那知猶有一樽攜看花正好過吳  
苑反棹何如在剡溪岸樹參差江賈雜鄰歌清切館  
娃齊論心不及人間事酒盡前山日已低

題道初存石齋

道初先公故在諫垣有直聲存石者存其所  
遺石且以名齋志不忘親也索余爲題贈

古道于今又沈郎高齋寂寂間松篁庭支一片黃公

石地是先朝給事莊只怪水雲深自結由來風水  
老難忘吳山越海東南盡不比君家世德長

吳叔嘉招遊虎丘同幼子行甫仲美分得空字  
石徑雲林轉鬱葱丹梯歷盡出花宮生公說法千人  
去楚客憑高萬劫空峭壁臨關留伏虎遠山橫海見  
飛鴻谿橋欲過成三笑酒社青蓮許暫同

吳江徐善長明府邀過浮玉洲同諸君宴集

太湖平遠洞庭山渺渺松陵一水間城堞半浮芳樹  
出石梁橫跨曲江還無妨進酒歌相樂只惜當筵鬢  
已斑見道吳中多勝蹟漫同仙令一追攀



浮玉洲上與善長道故

春風洲渚片帆來  
亭館蕭疎背郭開  
邑介江湖稱水國  
吏兼文酒屬仙才  
乍疑梁苑重攜手  
且對吳山一舉杯  
七十二橋煙景闊  
醉看明月下蘇臺

吳江遇黃懋夫文學有感賦贈

廿載文林識汝奇  
飛揚六翮肯差池  
那知海國傳經後  
又結江門載酒期  
吳地才賢爭問業  
漢家恩禮故尊師  
高齋莫訝青氍毹  
冷入對三雍詔未遲

沈道初憲副王予卿叅知載酒鴛脰湖見訪卽

事留別

吳江春色太湖開何處方舟載酒來夢裏關山重握  
手病餘天地一銜杯煙波不淺尊鱸意巖穴偏棲種  
蠶才片月中流分鷁首鐘鳴蕭寺若爲哀

鷺脰湖舟中與王予卿道故

中原車騎總紛紛雅道相看只使君王屋振衣憑氣  
象夷門側足過風雲那知千里星猶聚直似當年手  
未分垂老竝應忘出處湖頭月色借論文

徐相國輓詩四首

相業三朝被鼎彝丹青赫赫帝王師懸車擬駕緌  
山鶴辟穀將營地肺芝落日五湖驚改色陰飈萬籟

總生悲束芻千里空匍匐未報當年國士知

其二

台垣清切紫宸高尚憶當時夾輔勞解組至今賢廣  
受紆籌往古失蕭曹稍聞弔客來雙鶴屢見中官致  
少牢冢上不須重樹梓差栽石闕護林臯

其三

海氣淒迷萬象沈一時朝野竝含心門人操筆爭爲  
誄天子銜哀詔賜金會葬舟車江路滿行筇松檜  
野煙深慙予負土來何暮賦就鈴歌不忍吟

其四

雲間飛旆雪川來天目峯陰是夜臺  
醵首碑懸名世業鳳池書屬象賢才  
畫宮黯澹虛行哭隣笛淒清遠寄哀  
空外定騎箕尾去江鄉何自望三台

登湖州道場山望見毘山芝林館奉懷大司寇  
潘公

避人來訪道場山雙塔高低萬樹間  
朱草室懸毘嶺絕白蘋洲遶雪溪灣  
但將水石禪僧共那得雲霄地主還  
入夜歸帆千里夢直隨明月到燕關

行經潯谿奉懷尚書學士董用均先生

楚客蒲帆震澤來南潯甲第錦雲開  
懸輿萬木尚書

里載筆千秋太史才臥穩客星成水石丹還紫氣結  
蓬萊經過不淺追趨意病骨龍鍾儻見猜

沈少卿工部招同諸君宴集

地主邀歡過野堂清歌妙舞促飛觴孤舟信宿來王  
子八詠風流自沈郎綺席春留芳樹色瑯盤夜進紫  
尊香何當愛客都忘倦隔水千山已曙光

吳江詞人顧山甫王子良周叔宗各以詞翰見  
訪舟中賦此報之

詞名江左故無虛結社吳山引綠渠竝有雄心驕五  
嶽獨含愁色向三閭移舟客坐欣相結授簡新篇愧

不如解道兩都文物盛偏令風雅屬樵漁

酬沈應宿明府見寄

仙令飛鳧大海傍徘徊幾日遲金閭詞名不忝休文  
喬吏事先傳季子鄉念我雙魚來信宿思君一水限  
河梁亦知珍重投珠意只愧無能報夜光

病次吳江聞故人沈吏部方移疾在告不及晤  
言比過閭門吏部遣人餉酒而侑以二詩殊  
敦舊雅有感賦謝

聞君伏枕太湖濱我亦支離怯採薪藥物但增羈旅  
困詩篇無奈隱侯新回舟剡水興難盡握手燕山迹

已陳豈謂衰年能嗜酒出疆猶遣白衣人

酬傅伯俊明府見贈

蘇臺新雨近城過退食高齋敞薜蘿萬戶居人爭訟  
少一時詞客借名多厭從娃館聽吳曲卻向賓筵叩  
郢歌衰晚江湖猶浪迹飛揚白雪奈君何

贈曾舜徵明府

南嶽尋仙杳未逢漫依鳬舄認仙蹤看花偶過長洲  
苑把酒遙臨岑萼峯水繞八門開象緯匣韜雙劍吐  
芙蓉弦歌滿耳都新政爲卜它時勒景鐘

園中與王罔伯坐談卽事留贈

十日山堂飲未涯移來一榻傍千花何當伯子偏高  
義不忝東吳有世家進艇浮煙谿樹合洗樽殘照石  
門斜玄心迴與人間別統綺風流莫浪誇

過吳未及見大司馬凌公先寄此詩

短棹經過司馬里逡巡一水是龍門自緣野服逢迎  
懶轉畏賓筵禮數尊東海尺書何歲月南州一別又  
乾坤衰年未息遨遊駕此意良當物外論

贈周公瑕

見道風流似右軍揮毫何異郢人斤橋通野水開玄  
谷宅枕天池臥綠雲諸體故沿江左習六書應悟壁



唐詩卷之二十一  
中文吳門後進多高弟誰解酣題白練裙

吳門別曹子念

子念元美甥也

移舟竝繫闔閭城和曲居然郢雪聲怪是曹家優仲  
子可知王氏有名甥邀歡月借三江色惜別樽懸萬  
里情見道明年浮漢水便應攜我拾蘭蘅

別張幼于文學

吳中佳士說三張仲子才情迥自強推第新營言偃  
宅避人常臥右丞莊時名白首仍詞苑別意青山但  
酒觴一水雙魚堪問訊不煩揮淚向河梁

梁谿舟中別林子啓尚寶還閩

白下違君曾幾日又逢歸棹出梁谿相看水上浮雲  
過那得人間物態齊十載路岐成幻夢二山泉石且  
幽棲樽前話舊難爲別岸樹青青返照低

王司勳汝明招飲綠蘿菴席間賦

畫舫周遭雉堞過依稀博望轉天河千門雨意含蒼  
樹十里江光浸綠蘿地近老農春務急菴藏古佛慧  
雲多弓旌在戶猶高臥軒冕如君野興何

訪白光祿伯倫園居二首蓋予嘉靖癸丑嘗過  
伯倫飲此園去今三十餘年園景若故而予  
兩人老矣相顧極歡醉中留贈

名園故是延陵勝千里垂年喜再過石室依然幽事  
足雲林差擬舊遊多臨池古木排青漢遶閣殘山掛  
碧蘿岐路一攜三十載誰能此夜不酣歌

其二

東園散步涉西園一逕迂隨薜荔垣水榭重開光祿  
酒石門曾駐尚書軒松陰白鶴迎人舞竹外丹榴繞  
樹繁握手豫愁明日別徘徊深夜莫停樽

丹陽遇丁庸卿戶部招過觀音山亭小飲

遶寺深松靜可憐官亭好在萬松顛煙生廣野青冥  
合日落澄湖白練牽賴有故人招避暑且同詞客醉

山僧洗鉢脩清供自汲雲根玉乳泉

寺中有井名玉乳

### 登北固

鐵甕城頭爽氣多雲峯千仞扼江沱  
臺荒不反梁王駕地勝仍邀郢客過  
淮楚霧中開萬象金焦浪裏吐雙螺  
古來京口爭雄者曾似滄洲一釣蓑

### 徐園小飲同子念左虞

水上煙扉繫短槎穿林窅窕似仙家  
山攢怪石如雲起臺倚高松蔽日斜  
薜荔蕭疎蒙屋角漣漪清切寫簷牙  
江風何事無情甚一夜吹殘木藥花

五月五日方納言允治歐虞部楨伯招飲佑聖

觀分得年字

古觀蕭疎野水邊故人佳節歎相憐  
供來驚黍聊隨俗看過鶯花又長年  
玄館似因逃暑闢彩絲爭爲辟  
兵懸孤帆已挂新林浦萬樹青青別思牽

孫正甫給事方子及郎中邀登雨花臺

斷壑松風卷綠濤雨花臺倚禁城高  
聽經擬共逃禪去覽古寧辭策杖勞  
宮闕五雲開御氣江淮萬里護  
神臯夕陽歸馬長干道垂柳千門暎敝袍

此君閣爲門人黃賓王題

竹閣崢嶸萬樹間端居誰共此君閒  
清谿繞作瀟湘

水白嶽橫爲鼓吹山載酒林邊佳客過抱書天外野  
雲還主人年少無塵事何用黃金更駐顏

過馬明叔水榭同湯懋昭李時育集卽事成詩

水榭在金陵江東門外

竹逕逶迤水榭幽炎江風起亦清秋杯傳琥珀花爭  
勸簾拂琅玕月更留攬景不殊秦杜曲聞歌疑近楚  
蘭洲中宵醉放輕舟去兩岸鳴箏出翠樓

李惟寅載酒樓船邀餞大江方子及臧晉叔適

至同集分得留字

歸帆欲發爲君留載酒重過白鷺洲玉樹三山沈霸

業金陵萬戶繞皇州更逢詞客成高會何忝長江是  
勝遊明日便應懷往路煙波相望不勝愁

秋浦遇趙仁父司理兼得把其新詩喜而有贈  
仁父予門人也

不忝吳公薦賈生治安終策漢廷名論文海上千秋  
事握手江南萬里情古道蕭條看汝在新篇突兀使  
人驚九華峯色清溪酒坐語都忘計水程

劉使君靜之招遊齊山二首

長堤高柳界湖光一片齊山駐夕陽霞蟲芙蓉千石  
紫雨滋苔蘚六亭蒼靈湫穩藉蛟龍臥陰洞斜穿虎

豹藏天爲使君留勝蹟邀賓隨處著壺觴

其二

峯陰廻合萬蓮開幻作中天積翠臺  
遶郭煙光秋浦散隔江雲物鏡山來  
何年煮石留仙跡暇日登高見賦才  
簫鼓隆隆出幽壑對君那惜倒深杯

盤塘雨泊

千里歸程一水間忽驚風雨暗江關  
雲帆歷亂投孤渚雪浪飄颻震萬山  
富口人煙沈樹外盤塘漁火隔村灣  
明朝暑氣驅應盡好趁新涼瞬息還

聞陸仁卿自黃州召還比部員外寄此言別



握手風濤感慨深  
柯山樽酒憶招尋  
宏詞不忝宣公裔  
羈旅偏憐楚父吟  
乍喜徵書來漢闕  
旋揮別淚灑江潭  
一時郎吏多新進  
好向何人說素心

送仁卿赴比部

千里行旌向薊門  
黃岡父老競攀轅  
可知去國非輿論  
直是還朝見主恩  
郡閣清風歌載路  
江干別思酒盈罇  
白雲司裏西山色  
猶憶當年啓事存

寄和劉子威侍御

憶過金閨問舊遊  
萬家春色正扁舟  
看山宛轉移芳樹  
望海扶攜上古丘  
柱史詩成明月璧  
榜人歌近百

花洲別來勝事還誰共東望江雲濤自浮

得朱子得覃懷書并見懷詩卻寄

故人千騎出長楊河內雄分刺史章八郡行能高借  
寇一時詞賦重遊梁看雲偶自過上屋就日還如在  
帝鄉咫尺音書經歲達可堪星斗夜相望

丘謙之王行甫夜遊北園同仲美醉賦

山園秋老故人過一巡斜陽散薜蘿秉燭林亭歌未  
歇移樽風雨興偏多羣峯醉倚愁飛動曲磴頻穿奈  
坎科洞口殷殷簫鼓發漸看城闕倒銀河

郭外行經故友劉仲將朱懋之墓愴然傷之

瑟瑟秋風吹白楊  
荒荒野日澹枯桑  
雙墳寂寞村橋外  
疋馬踟躕古道傍  
閱世從來駒過隙  
論文夙昔鴈成行  
也知存歿俱長夜  
欲賦招魂轉自傷

宿顧德蒙書舍留贈

舍傍穿徑俯長渠  
小築真成靜者居  
雲氣半侵蘿石潤  
桐陰全覆竹垣虛  
交歡不淺通家義  
抗志非徒讀父書  
下榻爲君留信宿  
樽前風雨欲何如

顧子良憲副攜其弟子敬子德蒙甥劉彥孝枉  
過蓮花山拜先大夫墓志感

二十年來靜掩關  
何緣蠟屐走重山  
荒碑感慨雲林

下絮酒沾濡露莽間只自交情生死見便知人道古今還可憐風木哀無盡灑淚相看鬢已斑

秋日北園同則勸仲美伯明惟遠小飲賦得山字

爛熳芙蓉映小山陰森竹樹隱柴關浮煙細結平林紫積蘚濃滋錦石斑客興豈妨風雨劇時情偏助野人間百年生事花間盡不醉那能倚杖還

又得如字

湖頭雨色淨郊居狎客移樽信所如林葉漸稀遙岫出石文新簇小亭虛羣花盡妬鴛鴦菊過鳥時窺玳

瑁魚入掌深杯君莫厭秋愁盡向此中除

熊惟登六十詩

鄉國論交汝最深每從岐路憶雲林歸來好共漁樵  
計正老偏憐少壯心看竹竝攜鳩杖出醉花時輓鹿  
車尋人川萬態都如幻獨有高風擬漢陰

同徐應時郭懋德北園賞芙蓉

秋盡郊園萬葉萎芙蓉幾樹獨含姿遠山新簇樓霞  
岫照水驚臨濯錦池斜日靚妝驕欲語清霜皎服劇  
相持懸愁風雨催零落且共移燈坐少時

冬日同徐應時孝廉暨兒無忌過畚谷訪熊惟

登夜飲席上賦

歲晏霜寒萬木凋，循溪入谷轉迢遙。  
孤舟不淺王猷興，三逕能容蔣詡驕。  
白髮論心悲短景，清樽促膝遣深宵。  
無勞太史占星聚，自分疎狂負聖朝。

月夜過六墩訪則勸攜飲舟中卽事

寂寂高齋次水村，堤楊野竹護柴門。  
偶乘明月移雙棹，共傲嚴霜醉一樽。  
永夜漸看沙鳥起，隔江時有榜歌喧。  
當杯更結重來約，老去山陰興尚存。

過故友劉方回墓

不見劉郎歲已深，偶過山徑忽陰森。  
重泉白骨無新

故積辭蒼碑自古今十月嚴霜凋宰木一溪寒霧濕  
秋林虛勞下馬驚樵牧鶴馭蕭蕭那可尋

子良彥孝德蒙夜過北園小集因留宿兩兒在  
侍罔然成詩

薄暮松風掃石牀清秋蘿月照飛觴移燈小徑山行  
曲徙履高臺野望長星聚偶同荀氏里地偏誰擬晉  
公堂酣眠已涉華胥境何用求仙向渺茫

七言排律五首

寄懷子與兵憲

簾閣蕭條一病夫懷人落日滿江湖神魚失水窮相

煦旅鴈衝寒遠自呼老大新提三尺簡艱危更擊五  
兵符漁舟載酒疑前日鳥道驅車各畏途虛擬弟兄  
官漸達向來山水調仍孤微名僅可克雞肋小婦何  
當挾鳳雛子與尚  
未抱子夢往獨迷千里駕書成先寄九夷  
圖爲言努力加餐好欲俟河清歲已徂

答元美中丞寄題北園詩用來體

錦牘題詩慰隱淪郊居五月似青春可知靜後心仍  
幻不獨窮來句有神桂楫久淹浮海興荷衣不忝灌  
園身卽看花石紛相媚豈是禽魚偶見親高臥莫驚  
壺嶺癖遠遊終作弇山賓清齋一室惟僊侶大雅千



秋自故人閱世總堪醒夢寐與君須復訂玄真月明  
東望三吳夜流水桃花何處津

竹里館詩有序

汪生所居竹里館予友李于鱗徐子與王元  
美俞仲蔚竝有題詠而元美末句不勝山陽  
之悲以其時于鱗初逝也今生攜以示余則  
子與仲蔚又相繼逝矣撫卷含悽幾不忍讀  
屬生索予嗣響因用元美體應之生名時元  
字惟一新安人

竹里名依華子岡何年移傍此君堂鮮筠裊露丹珠

細竊節凌霄綠玉長數畝繁陰飄陸海萬竿疎雨過  
瀟湘樽邀梁孝園中月袖拂元卿徑裏霜羌笛未裁  
龍競奏秦簫欲截鳳先翔嫵媚隔幔琴微冷葱蒨臨  
池水脉香居士風流還洛下故人消息半山陽異時  
看去同誰好獨有王猷興更强

題震澤遐思卷有序

震澤遐思者吳人思林侍御子啓作也子啓  
予門人按吳且十年無論激揚風裁爲天下  
望卽頃年拮据救荒經畫修水政三吳之民  
竝賴之因竝德之其有遐思人情哉俞生襄

其卷來視予予竊有喜心焉爲賦長律一首

見道清霜肅兩都那知霖雨遍三吳觸邪屢拭湛盧  
劒禦水新沈秘景符極目狂瀾誰底柱傷心澤國寢  
荒蕪巡行不獨開千畝指顧真能劃五湖滬瀆幾年  
侵橘柚鹽田一日謝荏苒流亡負子循阡陌灌溉分  
丁走轆轤井邑斯今無菜色封章自昔建訐謨占年  
海上蒲羸遠樂歲沙間稻蟹逋問俗有時驚夢寐望  
塵何處不歡呼河渠書就方輿載瓠子功成 帝力  
扶重地十年仍鳳節高天萬里信鵬圖請看諸道觀  
風使勲業誰如子大夫

送鄒彥吉自黃州太守擢赴閩中督學詩用行

甫體

雪淨長江萬木春，離懷漫向酒邊陳。  
執珪仕楚名偏著，鼓棹浮湘賦正新。  
遂使清風生蕙圃，稍聞優詔出楓宸。  
試論西漢循良吏，誰竝中朝社稷臣。  
雙隼飛揚辭鄂渚，五驄迢遞入甌閩。  
瞻星只訝文昌麗，問俗翻從喬壤親。  
握管三山憑氣象，探珠八水渙精神。  
鯁堂應有關西頌，鳳節遙同博望賓。  
何限美材供巨室，更呼遺劔出延津。  
不知望海高歌處，曾憶當年屬和

人

甌甌洞藁卷之二十九終